

existimabimus? Si à vastiore fera perumpantur; sarcinda: si
vetustate, imbribusq; corrupta instauranda; tantum abest, ut
lucrum aliquod tantas impensas refundat, quin potius hæ nulla
argenti vi superari queant. Hinc ipsos Magnates canum
prædam fieri, vulgato iactatur proverbio. Idipsum Poëta-
rum vulgus fabulæ involucro non invenustè notavit, dum
Actæonem à canibus laceratum carminibus suis celebrant.
Tantum quippè sumtuum ille in canes fecerat, ut extremos in-
opie scopulos effugere non posset, postquam regias opes in
καυκητικῶν profudisset. Jam vero sine dolore & gemitu vix
ac ne vix quidem cogitatione repetere possum damna illa, quæ
privatorum fundis petulantia saltuariorum accersuntur. Quo-
ties vidimus agros concalcatos? quoties ingemuimus sata pro-
trita? quoties doluimus hortos vastatos? novellas plantas fe-
dè confractas? ipsas vineas propemodum excisas? Et quæ-
rat aliquis? Hæc omnia tam atrocita, tam barbara, tamq; in-
humana CUI BONO? Nisi forsitan gulæ inservien-
dum, quæ proximum à regina pecunia imperij locum obtinens
latè dominatur?

Ohe vos ventres servum pecus, ut mihi sepe.

Bilem, sæpè iocum vestri movere tumultus!

Sunt animalia cicura, sunt carnes in macello expositæ,
hiscæ non exatiimini? Quousq; se porriget libido gulæ in ex-
plebilis? Villarum, canlarum, stabulorum septis non coërce-
tur: in silvas ipsaq; adeò ferarum spelæa evagatur: hinc flu-

B

minibus